

龙溪精舍丛书

龙溪精舍丛书

三輔決錄

胡嗣瑗題

潮陽鄭氏用張氏二酉堂本校刊

三輔決錄敘錄

後漢書趙岐傳

趙岐字邠卿多所述作著三輔決錄傳於時

晉書摯虞傳

摯虞字仲治注解三輔決錄

隋書經籍志

三輔決錄漢趙岐撰摯虞注

唐書藝文志

三輔決錄趙岐撰

宋王應麟玉海

隋志雜傳二百十七部一千二百八十六卷始於決錄

七卷趙岐撰摯虞注

唐志史錄雜傳記一百二十五家一百四十六部一千

六百五十六卷失姓名十四家始於趙岐三輔決錄

三輔決錄原序

漢趙岐撰

三輔者本雍州之地世世徙公卿吏二千石及高貴者以陪諸陵五方之俗雜會非一國之風不但繫於詩秦邠也其爲士好高尚義貴於名行其俗失則趣執進權唯利是視余以不才生於西土耳能聽而聞故老之言目能視而見衣冠之疇心能識而觀其賢愚常以元冬脩夜思而未之得也忽然而寢夢黃髮之士姓元名明字子真與余寤言言必有中夢中指言褒貶之事子授其人子真評之析違通理善否之間無所依違命操筆者書之近從建武以來暨於斯

今其人既亡行乃可書玉石朱紫由此定矣故謂之

決錄

後漢書趙岐傳注 御覽

三百九十九

玉海五十八

三輔決錄

漢趙岐撰

晉摯虞注

趙岐初名嘉年三十餘有重疾卧蓐七年自慮奄忽乃爲遺命勅兄子曰丈夫生一世處無箕山二公之操仕無伊摯呂尙之勳天不我與復何言哉聊立一圓石樹吾墓前刻之曰漢有逸民姓趙名嘉有志無時命也奈何後病愈

御覽五百五十八
七百三十九

注曰岐娶馬敦女宗姜爲妻敦兄子融嘗至岐家多從賓與從妹宴飲作樂日夕乃出過問趙處士所在岐亦厲節不以妹聳之故屈志於融也與其友書曰馬季長雖有名當世而不持士節三輔高

士未嘗以衣裾蔽其門也岐曾讀周官二義不通

一往造之賤融如此也

後漢書趙岐傳注

岐爲皮氏長抑彊討姦大興學校

全上

趙岐避難於四方江海岱霍無所不到自匿姓名布衣布絮賣餅北海市安邛孫嵩年二十餘乘犢車遊市見趙岐微察知非常人問曰自有餅耶曰販之嵩曰買幾錢賣幾錢岐曰買三十賣亦三十嵩曰視處士之狀非賣餅者駐車呼與共載曰我北海孫賓碩終不相負岐聞嵩卽以實告遂與俱歸嵩先入白母曰今日出得死友在外岐卽匿嵩家積年乃出後詣

劉表時北海孫嵩流離在劉表末座不爲表所識岐遙識之向表說嵩甚奇重之因共表嵩爲青州刺史

御覽四百七十九
藝文類聚七十三

案布絮當是
絮巾之訛

注曰是時綱維不振閭豎專權岐擬前代連珠之

書四十章上之畱中不出

後漢書趙岐傳注
玉海五十四引趙岐擬

前代連珠之書
四十章上之

注曰岐還至陳倉復遇亂兵裸身得免在草中十

二日不食

後漢書
注全上

案以上所引文皆邠卿事
故別紙錄之冠於卷首

三輔決錄

漢趙岐撰

晉摯虞注

竇建

建字長君

史外戚世家索隱

何比干

何比干字少卿漢武帝時丞相公孫宏舉為廷尉右

平獄無冤民號曰何公

書鈔五十五說郛五十九御覽二百三十一引作注

注曰茂陵何比干漢武時為廷尉右平

御覽全上

案後漢書何敞傳敞六世祖比干為廷尉正注引何氏家傳俱不言右平杜佑通典云漢宣帝地節三年初于廷尉置左右平而三輔決錄注云何比干漢武時為廷尉右平謬矣據此則邠卿本文當無右平治仲治注乃云然耳

接子

接子所著書十篇

姓纂二十九葉廣韻注引有接子

案王應麟漢志攷史記接子齊人與田駢慎到同
 時皆學黃老正義引藝文志接子二篇此云武帝
 時說當攷應麟又引三輔決錄有接子愚案漢
 志注似非一家之言守節採衆訓釋作正義所見
 漢書注云齊人者當是舊說若便合下四字守節
 不得截取之以證史記矣其以為武帝時說者或
 是師古依決錄之說另以此注但宜有師古曰三
 字別之不知何時脫去遂附合為一歟林寶姓纂
 捷姓引漢志捷子三篇云齊人無下四字似寶作
 書亦止見舊說也接姓更引三輔決錄接子書十
 篇又與漢志篇數不符接子所未審
 何時人今因有武帝時說姑識於此

鄭樸

子真名樸

前漢書王吉兩龔鮑傳序注

嚴尊

君平名尊 全上

韋元成

淮陽憲王宣帝愛子器異其才欲以爲嗣王恃寵自
驕天子乃用韋元成爲中尉以輔導之爰詔與蕭望
之等論五經同異於石渠閣 御覽二百四十八

劉龔

向曾孫 後漢書蘇竟傳注

長安劉氏唯有孟公談者取則 文選王文憲集序注

注曰唯有孟公論可觀者班叔皮與京兆丞郭季

通書曰劉孟公藏器於身用心篤固實瑚璉之器

宗廟之寶也

後漢書注全上

彌强

王莽時彌强

姓纂五支

范仲公

平陵范氏南陽舊語曰前隊大夫范仲公鹽豉蒜果

其一簞言其廉儉也

御覽四百三十一
五九百七十七

八百五十

案顏氏家訓書證篇引三輔決錄云前隊大夫范仲公鹽豉蒜果共一簞果當作魏顗之顗北土通呼一由為一顆蒜顗是俗閒常語耳故陳思王鴻雀賦曰頭如果蒜目似花椒又道經云合口誦經聲璫璫眼中淚出珠子礫其字雖異其音與義頗同江南但呼為蒜符不知謂為顗學士相承讀為

裏結之裏言鹽與蒜共苞一裏內箒中耳正
史削繁音義又音蒜顆爲苦戈反皆失也

張仲蔚

張仲蔚平陵人也與同郡魏景卿俱隱身不仕明天

官博物好屬詩賦所居蓬蒿沒人

御覽九百七十七
藝文類聚八十二

文選詣建平王書注

蔣詡

蔣詡字元卿隱於杜陵舍中三徑唯羊仲求仲從之

遊二仲皆挫廉逃名之士

御覽四百九
文選田南
樹園激流植援詩注奉

答內兄顧希叔詩注
歸去來辭注
初學記
十八
廣韻注引漢有求仲
說鄧五十九

王邑